

MARÍA GARCÍA FERRO, VICESECRETARIA DO EXCMO. CONCELLO DE LUGO,

CERTIFICO:

Que o Excmo. Concello Pleno, en sesión ORDINARIA celebrada o día vinte e cinco de maio de dous mil dezasete, adoptou, entre outros, o acordo seguinte:

29/98 APROBACIÓN INICIAL DO ESTABLECEMENTO E IMPLANTACIÓN DA ORDENANZA NÚMERO 406, REGULADORA DO PREZO PÚBLICO POLA PRESTACIÓN DO SERVIZO MUNICIPAL DE COMEDOR ESCOLAR NOS CENTROS DE EDUCACIÓN INFANTIL E PRIMARIA.- Examinado o expediente tramitado para os efectos e vista, entre outra, a seguinte documentación:

1.- Informe do Servizo de Facenda Local, do seguinte teor literal:

“Efectuadas as pertinentes consultas aos distintos servizos deste Concello, e para os efectos de dar cumprimento ao Decreto da Alcaldía do 2 de marzo de 2017, enténdese oportuno o establecemento e implantación da Ordenanza número 406, reguladora do prezo público pola prestación do servizo municipal de comedor escolar nos centros de educación infantil e primaria de conformidade co disposto na Lei reguladora das facendas locais, e en desenvolvemento do establecido no artigo 47 do citado corpo legal e no artigo 49 da Lei 7/1985, do 2 de abril, reguladora das bases do réxime local, e con fundamento nas seguintes consideracións:

Que para dar cumprimento ao Decreto do 24 de novembro de 2016, o Servizo de Facenda Local procede ao establecemento e implantación dun novo prezo público, o número 406, que regulará a prestación do servizo municipal de comedor escolar nos centros de educación infantil e primaria.

Así mesmo, esta implantación axústase ao disposto en materia de prezos públicos na sección 5ª do capítulo VI do título I, artigos 41 a 47 do R. d. I. 2/2004, do 5 de marzo (TRLRFL), e artigo 127 do citado texto legal e, en particular, no artigo 44.1, por canto o seu importe, no seu conxunto, non excede en ningún caso do custo real ou previsible do servizo ou actividade ou do valor da prestación recibida, segundo se desprende dos informes técnico-económicos que se achegan, e que inclúen, actualizados, os correspondentes estudos de custos, onde se pon de manifesto o valor de mercado ou a previsible cobertura do seu custo. Fíxase en 1,80 euros o almorzo, e en 3,60 euros (4,60 euros discontinuo) o xantar, sen incluír o IVE.

En virtude do exposto, e de conformidade co disposto no artigo 127.1 do Real decreto lexislativo 2/2004, do 5 de marzo (TRLRFL), polo que se aproba o texto refundido das disposicións vixentes en materia de réxime local e no artigo 49 da Lei 7/1985, do 2 de abril, reguladora das bases de réxime local, a súa tramitación axustarase ao seguinte:

PRIMEIRO.- Someter á Xunta de Goberno Local a aprobación do proxecto de establecemento e implantación da Ordenanza número 406, reguladora do prezo

público pola prestación do servizo municipal de comedor escolar nos centros de educación infantil e primaria.

SEGUNDO.- De ser aprobado o devandito proxecto, elevarase ao Excmo. Concello Pleno para a súa aprobación inicial.

TERCEIRO.- Someter a exposición pública o acordo de aprobación inicial, durante o prazo de TRINTA DÍAS HÁBILES, a fin de que as e os interesados poidan examinar o expediente e presentar as reclamacións que se consideren oportunas.

A devandita exposición pública anunciarase no Boletín Oficial da Provincia e nun dos diarios de maior difusión da provincia. O prazo comezará a contar a partir do día seguinte ao da última das dúas publicacións referidas; entenderase como definitivo o acordo provisional de non se presentaren reclamacións a este durante o mencionado período.

2.- Proposta á Xunta de Goberno Local da Concelleira Delegada da Área de Economía, Emprego e Desenvolvemento Económico.

3.- Informe de Intervención, Ref. 254/2017, obrante no expediente.

4.- Acordo da Xunta de Goberno Local, número 3/258, adoptado na sesión extraordinaria e urxente celebrada o día 15 de maio de 2017, no que se aproba o proxecto de establecemento e implantación da ordenanza 406, reguladora do prezo público pola prestación do servizo municipal de comedor escolar nos centros de educación infantil e primaria.

5.- Ditame favorable da Comisión Especial de Contas e Ordinaria de Desenvolvemento Económico, Protección da Comunidade e Concello e Cidadanía, emitido na sesión celebrada o día 19 de maio de 2017.

Tras a deliberación efectuada, sométese o asunto a votación, acadándose os seguintes resultados:

- Votos a favor: 8, dos seguintes concelleiros adscritos ao Grupo Municipal Socialista (GMS):
- Excm. Sra. Alcaldesa Dona Lara Méndez López (GMS).
- Ilma. Sra. Dona Ana Prieto Nieto, Tenenta de Alcalde Delegada da Área de Goberno de Economía, Emprego e Desenvolvemento Económico (GMS).
- Ilmo. Sr. Don Miguel Fernández Méndez, Tenente de Alcalde Delegado da Área de Goberno de Medio Rural e Deportes (GMS)
- Ilma. Sra. Dona María del Carmen Basadre Vázquez, Tenenta de Alcalde Delegada da Área de Goberno de Cultura, Turismo, Xuventude e Promoción da Lingua (GMS).
- Ilma. Sra. Dona Ana María González Abelleira, Tenenta de Alcalde Delegada da Área de Goberno de Benestar Social, Igualdade e Inclusión (GMS).

- Ilmo. Sr. Don Xosé Daniel Piñeiro Villares, Tenente de Alcalde Delegado da Área de Goberno de Desenvolvemento Sostible e Persoal (GMS).
- Ilma. Sra. Dona Rosana Rielo Rozas (GMS), Tenenta de Alcalde Delegada da Área de Goberno de Concello e Cidadanía.
- Ilmo. Sr. Don Manuel Núñez López (GMS), Tenente de Alcalde Delegado da Área de Goberno de Educación e Infraestruturas Urbanas.

- Votos en contra: Ningún.

- Abstencións: 17, dos seguintes concelleiros adscritos aos Grupos Municipais Popular (GMP), Lugonovo (GMLN), do Bloque Nacionalista Galego-Asambleas Abertas (GMBNG-AA), Ciudadanos-Partido de la Cidadanía (GMC-PC) e Grupo Mixto (GM):

- Don Jaime Castiñeira Broz (GMP).
- Dona Ana María López Pombo (GMP).
- Dona María Encarnación Amigo Díaz (GMP).
- Don Antonio Ameijide Osorio (GMP).
- Dona María del Carmen Penelas Celeiro (GMP).
- Dona Isabel Devesa Piñeiro (GMP).
- Don Enrique Ceferino Rozas López (GMP).
- Don Manuel López Fernández (GMP).
- Dona María de los Ángeles Teijeiro González (GMP).
- Don Santiago Celso Fernández Rocha (GMLN).
- Dona María Cristina Pérez Herráiz (GMLN).
- Don Ignacio Javier García Gómez (GMLN).
- Don Rubén Arroxo Fernández (GMBNG-AA).
- Dona Tareixa Antía Ferreiro Tallón (GMBNG-AA).
- Dona María Olga Louzao Aldariz (GMC-PC).
- Don Jesús Expósito López (GMC-PC).
- Don Carlos Anxo Portomeñe Pérez (GM).

En virtude de todo o cal, o Excmo. Concello Pleno, por oito votos a favor, ningún en contra e dezasete abstencións, con base na proposta da Concelleira Delegada da Área de Economía, Emprego e Desenvolvemento Económico, **ACORDA:**

PRIMEIRO.- Aprobar inicialmente o establecemento e implantación do Prezo público número 406, regulador do prezo público pola prestación do servizo municipal de comedor nos centros educación infantil e primaria, que queda redactado nos termos que se indica:

“ORDENANZA NÚMERO 406



REGULADORA DO PREZO PÚBLICO POLA PRESTACIÓN DO SERVIZO MUNICIPAL DE COMEDOR ESCOLAR NOS CENTROS PÚBLICOS DE EDUCACIÓN INFANTIL E PRIMARIA

ARTIGO 1. NATUREZA, OBXECTO E FUNDAMENTO

En uso das facultades concedidas nos artigos 133.2. e 142 da Constitución e artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, e artigo 81 da Lei 5/1997, do 22 de xullo, da Administración local de Galicia, este Concello establece o prezo público pola prestación do servizo de comedor nos centros públicos de educación infantil e primaria.

ARTIGO 2. OBRIGADOS AO PAGO

Tendo en conta que as e os usuarios do servizo gravado por estes prezos son menores de idade e que, polo tanto, non teñen capacidade de obrar, actuarán no seu nome, cos efectos previstos na Lei xeral tributaria, as súas nais, pais e titoras e titores, ou calquera outra ou outro representante legal.

A efectos da cuantía da tarifa distínguese entre usuarios habituais do servizo de comedor escolar e usuarios esporádicos

Os usuarios habituais de comedor escolar, son os escolares que reciben o servizo diariamente, pago mensual do servizo.

Os usuarios esporádicos do comedor escolar son os escolares o e o persoal funcionario docente e non docente así como o persoal laboral e alumnado en prácticas de Maxisterio ou grao equivalente do centro educativo, que soliciten o servizo, sempre que existan prazas libres dos centros escolares, pago día solto.

ARTIGO 3. COTAS

Para os efectos de establecer as cotas que terán que achegar as familias das e dos usuarios do servizo municipal do comedor escolar nos centros públicos de educación infantil e primaria, diferénciase entre prestación ordinaria (pago mensual do servizo) e prestación esporádica (pago de día solto) por usuaria ou usuario.

O prezo do menú diario no almorzo, que cobrará a empresa por nena ou neno ás familias será de 1,80 € diarios.

O prezo do menú diario no xantar que cobrará a empresa por nena ou neno ás familias será de 3,60 € diario cando a asistencia da persoa usuaria sexa continuada, e o pago sexa mensual.

O prezo das e dos usuarios que utilicen o servizo de xantar días descontinuos será de 4,60 € .

Os ditos prezos non inclúen o IVE, que será de aplicación conforme a normativa vixente.

ARTIGO 4. PROCEDEMENTO DE PAGAMENTO

O prezos regulados nesta ordenanza devindicaranse no momento en que se outorgue a prestación do servizo.

Na opción prestación mensual (pago mensual do servizo), as familias formalizarán asistencia coa inscrición no servizo, e as cotas quedarán domiciliadas. En caso de baixa do servizo, avisarase antes do 20 do mes anterior a causar baixa.

En caso de non poder asistir algún día ao servizo, é obrigatorio avisar á persoa coordinadora do centro ben por teléfono ou por correo electrónico non máis tarde das 20:00 horas do día lectivo inmediato anterior.

O pagamento do prezo público realizarase anticipadamente ao momento en que se outorgue a prestación do servizo, no caso das usuarias e usuarios habituais, que reciben o servizo diariamente, o cobro será por domiciliación bancaria que autorizará a nai, o pai, os titores ou representantes legais.

Na opción de prestación esporádica (pago de día solto), a usuaria ou usuario recollerá o ticket, polo menos un día antes da súa utilización. Nesta opción é obrigatorio saber o día de asistencia ao comedor.

ARTIGO 5. INFRACCIÓNS E SANCIÓN

No relativo a infraccións tributarias desta ordenanza, será de aplicación o Contrato administrativo, Ordenanza fiscal xeral, Lei xeral tributaria e a restante normativa de aplicación.

DISPOSICIÓN FINAL

Esta ordenanza entrará en vigor o día da súa publicación no Boletín Oficial da Provincia, comezará a aplicarse ese mesmo día, e permanecerá en vigor ata a súa modificación ou derogación expresa."

SEGUNDO.- Someter a exposición pública o acordo de aprobación inicial no Taboleiro de Anuncios deste Concello durante o prazo de TRINTA DÍAS HÁBILES, a fin de que os interesados poidan examinar o expediente e presentar as reclamacións ou suxestións que se estimen oportunas.

A devandita exposición pública anunciarase no Boletín Oficial da Provincia e nun dos diarios de maior difusión da provincia. O prazo comezará a contar a partir do día seguinte ao da última das dúas publicacións referidas; entenderase como definitivo o acordo provisional de non se presentaren reclamacións a este durante o mencionado período.

E para que así conste no expediente, coa expresa advertencia prevista no artigo 206 do Regulamento de organización, funcionamento e réxime xurídico das entidades locais de que a acta da sesión na que foi adoptado o acordo transcrito aínda non foi aprobada, e a reserva dos termos que resulten da aprobación desta, expídese esta certificación de orde da Excm. Sra. Alcadesa, dona Lara Méndez López, coa súa sinatura e a desta Vicesecretaria.

